



ტესტი ქართულ ენასა და ლიტერატურაში

2011

ინსტრუქცია

თქვენ წინაშეა საგამოცდო ტესტის ბუკლეტი და ამ ტესტის პასუხების ფურცელი.

**გაითვალისწინეთ, გასწორდება მხოლოდ პასუხების ფურცელი!
პასუხების ფურცლის გაკეცვა დაუშვებელია!**

ტესტის ბუკლეტი შეგიძლიათ გამოიყენოთ მხოლოდ შავი სამუშაოსათვის!

ქართული ენისა და ლიტერატურის ტესტი სამი ნაწილისაგან შედგება: I. ქართული ენა; II. ქართული ლიტერატურა; III. წაკითხულის გააზრება და წერიითი დავალება.

დავალებების ერთი ნაწილის შესასრულებლად საჭიროა პასუხების ფურცელში შესაბამისი უჯრედი მონიშნოთ **X-ით**. თუ პასუხების ფურცელში უჯრედი შეცდომით მონიშნეთ, მაშინ მთლიანად გააშავეთ იგი და მონიშნეთ სხვა უჯრედი.

დანარჩენ დავალებებს უნდა უპასუხოთ სიტყვიერად. პასუხების ფურცელში დაშვებული შეცდომა შეგიძლიათ გადახაზოთ და გვერდით (ან ზემოთ) დანეროთ სხვა პასუხი.

I და II ნაწილების შესასრულებლად აუცილებელი ინსტრუქციები მოცემულია ტესტის ბუკლეტში და თან ახლავს შესაბამის დავალებებს.

ყურადღებით გაეცანით ამ ინსტრუქციებს და არ დაგავიწყდეთ პასუხების გადატანა პასუხების ფურცელში!

ტესტის III ნაწილი - წაკითხულის გააზრება და წერიითი დავალება - ორი დავალებისაგან შედგება.

უნდა აირჩიოთ **ერთ-ერთი მათგანი** (ან N1 ან N2) და უნდა შეასრულოთ ამ დავალებაში მოცემული: **ა) წაკითხულის გააზრება** და **ბ) წერიითი დავალება**.

შეგიძლიათ წაკითხულის გააზრების ყველა პასუხი ჯერ ტესტის ბუკლეტში მონიშნოთ და შემდეგ გადაიტანოთ პასუხების ფურცლის სათანადო ადგილას.

წერიითი დავალების შავი ვარიანტის დასაწერად ტესტის ბუკლეტში საგანგებოდ გამოყოფილია რამდენიმე გვერდი.

გახსოვდეთ: აუცილებელია ყველა პასუხის გადატანა პასუხების ფურცელში!

გაითვალისწინეთ, არ გასწორდება ის დავალება, რომლის პასუხიც პასუხების ფურცელში საგანგებოდ ამ დავალებისათვის გამოყოფილ ადგილას არ იქნება გადატანილი!

არსად მიუთითოთ თქვენი სახელი და გვარი და არც პიროვნების იდენტიფიცირების სხვა საშუალება, წინააღმდეგ შემთხვევაში **ნაშრომი არ გასწორდება!**

ტესტის შესასრულებლად გეძლევათ 4 საათი.

გისურვებთ წარმატებას!

I. ქართული ენა

(4) 1. კონტექსტის გათვალისწინებით შეარჩიეთ, ჩამოთვლილთაგან რომელია ტექსტში ხაზგასმული სიტყვების შესაფერისი ანტონიმები.

- ა) ბევრი. ბ) დაბალი. გ) დიდი. დ) მრავალი. ე) მოკლე. ვ) მშრალი. ზ) სხვაგვარი.
თ) სხვადასხვა. ი) ურიცხვი. კ) ხმელი.

დედამიწის ერთი მეოთხედი მდელოებს უჭირავს, რადგან ბალახი თითქმის ყოველგვარ პირობებში იზრდება. (1)მაღალი მცენარეები და (2)ერთნაირი ჯიშის ბალახი იქაც ხარობს, სადაც დიდი ხეები არ გვხვდება. (3)ტენიანი სეზონის დადგომისას საჭიროა მცენარეებს (4)მცირე რაოდენობის წყალი ჰქონდეთ დაგროვილი, რათა გვალვის დროს ეს მარაგი გამოიყენონ.

თქვენ მიერ შერჩეული პასუხები ხაზგასმული სიტყვების შესაბამისი ნომრების გასწვრივ მოცემულ უჯრედებში აღნიშნეთ X-ით.

	ა	ბ	გ	დ	ე	ვ	ზ	თ	ი	კ
1.	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
2.	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
3.	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>
4.	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>	<input type="checkbox"/>

(7) 2. ტექსტში დაშვებულია მორფოლოგიურ-ორთოგრაფიული და სინტაქსური შეცდომები. რამდენიმე წინადადებაში თითო-თითო შეცდომაა, რამდენიმე წინადადება კი უშეცდომოა.

თუ წინადადებაში შეცდომაა დაშვებული, აღნიშვნა **X** გააკეთეთ პირველი რიგის შესაბამის უჯრედში, ხოლო თუ წინადადებაში შეცდომა არაა, აღნიშვნა **X** გააკეთეთ მეორე რიგის შესაბამის უჯრედში.

	I	II
	შეცდ.	უშეცდ.
1. ასტრონომიამ დიდ წარმატებებს მიაღწია შუა აზიის ისეთ უმნიშვნელოვანეს კულტურულ ცენტრებში, როგორებიცაა: ბუხარა, მერვი და სამარყანდი.	<input type="checkbox"/>	<input type="checkbox"/>
2. აქ მოღვაწე მოაზროვნეთა მიერ გამოითქვა ზოგიერთი ისეთი შეხედულება, რაც შემდგომში დადასტურდა კიდევ.	<input type="checkbox"/>	<input type="checkbox"/>
3. სამარყანდის მმართველი უღულ-ბეგი დაულაღავად ზრუნავდა თავის ქვეყანაში მეცნიერების განვითარებისათვის.	<input type="checkbox"/>	<input type="checkbox"/>
4. მან სამარყანდში ააგებია გრანდიოზული ობსერვატორია, რომელიც აღჭურვილი იყო იმ დროისათვის საუკეთესო ხელსაწყოებით.	<input type="checkbox"/>	<input type="checkbox"/>
5. ტელესკოპი ჯერ არ არსებობდა და ასტრონომები ცაზე მნათობთა მდებარეობასა და მათ შორის მანძილებს კუთხის საზომი ხელსაწყოს გამოყენებით ადგენდნენ.	<input type="checkbox"/>	<input type="checkbox"/>
6. აქ შედგენილი კატალოგი, რომელშიც 1018 ვარსკვლავის მდებარეობა იყო აღნიშნული, მრავალ წლის განმავლობაში საუკეთესო კატალოგად ითვლებოდა.	<input type="checkbox"/>	<input type="checkbox"/>
7. ფანატიკოსებს ძულდათ თავისუფლად მოაზროვნე მეცნიერების მფარველი უღულ-ბეგი, ამიტომაც იგი მოკლეს, ხოლო ობსერვატორია მიწასთან გაასწორეს.	<input type="checkbox"/>	<input type="checkbox"/>

ბრძენნი იცნობენ, სწუნობენ მით, მათგან საწუნელია;
უმენოდ ჩემი სიცოცხლე, ვაჰმე, რა დიდი ძნელია!”

1. *ამოიწერეთ* პირველი სტროფიდან სტრიქონი, რომელშიც გადატანითი მნიშვნელობითაა ნათქვამი, რომ ნესტანი მთელი არსებით სევდითაა მოცული.
2. *დაასახელოთ*, ნესტანის თქმით, ქაღალდის ნაცვლად, რაზე წერს იგი თავის უსტარს.
3. *განმარტეთ*, რას აბრალებს ნესტანი ტარიელისა და თავის უბედურებას.
4. *განმარტეთ*, რის საფუძველზე მიიხნევენ „ბრძენნი“, რომ ამქვეყნიური ცხოვრება „საწუნელია“.
5. *განმარტეთ*, კონკრეტულად რა განაპირობებს ნესტანის მდგომარეობის ტრაგიზმს (უპასუხეთ მეორე სტროფის მიხედვით).

(5) 7. ილია ჭავჭავაძის მოთხრობაში „კაცია-ადამიანი?“ ვკითხულობთ:

რა იცოდნენ ამათ, რომ თავისის ქცევით, თავისის ცხოვრებით არისხებდნენ ღმერთსა, რომელსაც თავისი სული ამათთვის შთაუბერია. „ვაჟო! მე ვარისხებ ღმერთსაო? – გეტყოდით გაოცებით ლუარსაბი, – წირვა-ლოცვას მე არ ვაკლდები, კაცი მე არ მამიკლავს და კაცისათვის მე არ მამიპარავს, – რაზედ ვარისხებ ღმერთსა?“ მართალი ხარ, ჩემო ლუარსაბ, მაგრამ ეხლა ეს უნდა გკითხო: რაც უნდა გექნა, ის კი გიქნია?.. წირვა-ლოცვას არ ვაკლდებიო. რა გამოვიდა? იქ ყოველთვის გსმენია ჩვენთვის ჯვარცმულის ქრისტეს სიტყვა: „ვითა მამა ზეცისა იყავ შენ სრულიო“. აბა, ან ერთს წამს შენს სიცოცხლეში მაგისტვის სცდილხარ? არა, შენ მაგისტვის არა სცხოვრობ: შენ სცხოვრობ – რომ სვა და სჭამო, და არა იმისთვის სჭამ და სვამ – რომ იცხოვრო, ესე იგი ეცადო – რომ ვითა მამა ზეცის იყო შენც სრული.

1. *ამოიწერეთ* ორი სიტყვა, რომლებშიც იგულისხმება, რომ ლუარსაბ თათქარიძე და მისი მსგავსი ადამიანები უზნეოდ ცხოვრობდნენ.
2. *განმარტეთ*, რატომ მიიხნევენ ლუარსაბი, რომ ზნეობრივად ცხოვრობს.
3. *განმარტეთ*, რაში მდგომარეობს, ავტორის აზრით, ადამიანის დანიშნულება.
4. *დაასახელოთ*, რას გულისხმობს ავტორი სიტყვაში „სრული“.
5. *განმარტეთ*, რა არის ლუარსაბ თათქარიძის ცხოვრების ძირითადი მიზანი.

(5) 8. პოემაში „გველის მჭამელი“ ვაჟა-ფშაველა აღწერს ფერისცვალებას, რომელიც განიცადა მინდია ქაჯთა საკვების გასინჯვის შემდეგ:

შეიგნო სიბრძნე ქაჯების
ამიერიდამ ტყვემალ;
მას მუსაიფი დაუწყო
ცამ, დედამიწამ, ტყვემალ.
მხოლოდ ბოროტმა მის გულში
ვერ მოიკიდა ფეხია...
მას აღარაფრის ეშინის,

თუნდ თავს დაატყდეს მეხია.
ქაჯნი ბრაზობენ, რა ჰხედვენ –
გამეცნიერდა გლეხია.
აღარ აშინებს ტყვეობა,
აღარც ხრიკები ქაჯური,
დღეს თუ ხვალ იმედიალობს,
ქაჯებს უჭიროს პანწური.

1. *განმარტეთ*, კონკრეტულად რა სიბრძნე შეიძინა მინდია (ციტირება დაუშვებელია!).
2. *განმარტეთ*, რა ვერ შეცვალა მინდიას შინაგან სამყაროში ქაჯთა სიბრძნესთან ზიარება.
3. *დაასახელოთ*, სიბრძნის გარდა, რა თვისება შეიძინა მინდია.
4. *ამოიწერეთ* სტრიქონი, რომელშიც ვლინდება ქაჯთა აგდებული დამოკიდებულება მინდიას მიმართ.
5. *განმარტეთ*, რის იმედი გაუჩნდა მინდიას (ციტირება დაუშვებელია!).

(5) 9. ტიცინ ტაბიძის ლექსში „მე ყაჩაღებმა მომკლეს არაგვზე“ ვკითხულობთ:

ვიცი, მომელის მაინც ეს ბედი,
და ისიც ვიცი, ჩემზე ახია,
ძვირფასო, არ ვარ, იცოდე, ყბედი,
ან თავის მოკვლა რა ტრაბახია.

მაგრამ მიტაცებს ქარიშხალივით
ამ თვალწუვდენი ხრამების ფსკერი,
ვიცი, ქალი ხარ, ყველა ქალივით,
ვიცი, ამასაც ეჭვით უცქერი.

1. განმარტეთ, ლირიკული გმირის რა წინათგრძნობაზე მიგვანიშნებს პირველი სტრიქონი.
2. ამოიწერეთ სტრიქონი, რომელშიც ჩანს, რომ ლირიკული გმირის ბედი განაპირობა მისმა ცხოვრების წესმა.
3. განმარტეთ, ლირიკული გმირის რა გადაწყვეტილება ჩანს სტრიქონში: „ან თავის მოკვლა რა ტრაბახია“.
4. დაასახელოთ, რა მხატვრული საშუალებაა გამოყენებული მეხუთე სტრიქონში.
5. განმარტეთ, ლირიკული გმირის გადაწყვეტილების მიმართ სატრფოს რა დამოკიდებულება ჩანს ამ მონაკვეთში.

III. წაკითხულის გააზრება და წერითი დავალება

აირჩიეთ ორი დავალებიდან ერთ-ერთი და მხოლოდ ის შეასრულეთ!

დავალება № 1

ყურადღებით წაკითხეთ ოთარ ჭილაძის ლექსი „სამრეკლოების მღუმარე ჩრდილში“, რომელიც ეძღვნება ფაშისტების მიერ მოკლული ესპანელი პოეტის, ფედერიკო გარსია ლორკას, ხსოვნას:

- I. პირინეიზე, ესპანეთში, მზის ქვეყანაში, ფორთოხლის ბაღში, შადრევნების ვერცხლისფერ მტვერში, არაფრისმცოდნე ბავშვების თვალწინ, სამრეკლოების მღუმარე ჩრდილში – მოკლეს პოეტი და მისი სისხლი გაინაწილეს ციხის კედლებმა, როგორც დროშები. ხოლო ჯალათმა სახელში წაიღო ცოდვილი ხელი. და მიუტანა ცოლსა და შვილებს პოეტის სისხლით ნაყიდი პური.
- II. ტყუილად რეცხავ ჯალათის ცოლო! არ მოშორდება შენს ღარიბ ჭურჭელს სისხლის ლაქები. მე მეცოდება შენი ქალობა, შენი სხეულიც და შენი სულიც – თავშესაფარი ლაჩრის და მონის. შესაცოდია, რა თქმა უნდა, თუკი არ იცი, ვის ვნებას აცხრობ. თუკი არ იცი, ვის უწმინდები. თუკი არ იცი, რომ ყოველ დამე გველი გეხვევა და არა მკლავი. თოკი გეხვევა სახრხობელების, – ადამიანის ცრემლით და სისხლით და ბოლო კვნესით დამძიმებული...
- III. ტყუილად ბრაზობ ჯალათის შვილო, როცა ტოლები გერიდებიან, როგორც კეთროვანს. ან როცა მათი შავი დედები თვალს გაყოლებენ პირმოკუმულნი.

- ან როცა შენი მასწავლებელი, ძლივს შეკავებულ რისხვით და ზიზღით, შენს გვარს და სახელს ისე კითხულობს, როგორც მსაჯული... მაგრამ ჯერ დროა, რომ შენი სული გადაარჩინო და ჭაობიდან გამოიტანო, როგორც ყვავილი ჯერ გაუშლელი.
- IV. ხედავთ, კედელთან მიხვეტილ ძონძებს, ბებერ მუშტივით შეკუმშულს მტვერში? ის წუხანდელი მსხვერპლის დედაა, ციხის კედელთან დევს, როგორც ნაღმი, აფეთქებამდე გაუქმებული. ის აქ იქნება, სანამ ამქვეყნად იქნება ციხე... სანამ ამქვეყნად იქნება თუნდაც ერთი ფოთოლი, მზის მოტრფიალე და მომღერალი. ბიჭი, რომელიც ჯალათებმა აწამეს წუხელ, ფოთოლი იყო ფორთოხლის ხისა და მისი ჩრდილი ფარფატებდა ქვაფენილებზე და შეყვარებულ გოგოს თვალებში... ფოთოლი იყო ფორთოხლის ხისა, მზის მოტრფიალე და მომღერალი. და იმ ფოთოლზე სხდებოდნენ ხოლმე ჭრელი ჩიტები და ვარსკვლავები... მთვარეც ჯდებოდა, ღრუბელიც, ქარიც, წვიმაც და თოვლიც...

V. ფორთოხლის ბაღში ტირის ირენე, როგორც ტოტებში გაბმული სიმი. და დონ კიხოტის გამხდარი ცხენი გარინდებულა, როგორც ფიტული, მზემოკიდებულ სამრეკლოს ჩრდილში და გახურებულ საფლავეებს შორის – და პირინეის ნახევარკუნძულს გრძნობს: უსაშველოდ ნატკენ გულივით. ძველი ცრემლია ირენეს ცრემლი, ბევრი პოეტი და მატადორი გამოიტირა ირენეს ცრემლმა, ბევრი პოეტი და მატადორი, მოულოდნელად დამარცხებული

ჯალათის ხელით თუ ხარის რქებით. მატადორებად და პოეტებად გაიზრდებიან მისი შვილებიც, ოღონდ ირენეს მომავალ შვილებს ნუ გამოჰყვებათ მამების ბედი. ირენეს დებო და დობილებო, შემოიხიეთ შავი კაბები და აუხვიეთ ხარებს თვალები და შეუკარით ჯალათებს ხელი... მატადორები გვანან პოეტებს, მაგრამ ისინი სხვის დასანახად და მოსახიბლად კვდებიან მაინც. ხოლო პოეტის მხურვალე სისხლი სამარადისოდ გადადის ხალხში.

ა) წაკითხულის გააზრება:

დავალების შესასრულებლად ყურადღებით გაეცანით ტექსტს. კითხვებზე პასუხების გაცემა მაშინ დაიწყეთ, როდესაც ტექსტის შინაარსი მთლიანად გასაგები იქნება. მოცემული ოთხ-ოთხი პასუხიდან აირჩიეთ მხოლოდ ერთი და შემოხაზეთ. მონიშნული პასუხი გადაიტანეთ პასუხების ფურცელში ამგვარად: პასუხის შესაბამის უჯრედში გააკეთეთ აღნიშვნა – X.

უპასუხეთ შემდეგ კითხვებს:

- (1) 10. რა მიზნით აღწერს ავტორი ლექსის დასაწყისში ფორთოხლის ბაღის სილამაზეს?
 - ა) ესპანეთის ლამაზი ბუნების მიმართ სიყვარულის გამოხატვის მიზნით.
 - ბ) ესპანეთის უმშვენიერესი ბუნებისა და არქიტექტურის ჩვენების მიზნით.
 - გ) პოეტის მკვლევლობით გამოწვეული ტრაგიკული განცდის გაძლიერების მიზნით.
 - დ) პოეტის მკვლევლობის ჩვეულებრივ, ყოფით ფაქტად ჩვენების მიზნით.
- (1) 11. რის გამოსახატავად დასჭირდა ავტორს სიტყვები: „პოეტის სისხლით ნაყიდი პური“.
 - ა) მკვლელი „არაფრისმცოდნე ბავშვების თვალწინ“ სჩადის ცოდვას.
 - ბ) მკვლელი გასამრჯელოს ცოდვის ჩადენის სანაცვლოდ იღებს.
 - გ) მკვლელი ვერ ეგუება „სისხლით ნაყიდი პურის“ ჭამას.
 - დ) მკვლელი ცოლსა და შვილებს ცოდვილი ხელით ეხება.
- (1) 12. რა იგულისხმება სიტყვებში: „ტყუილად რეცხავ... შენს ღარიბ ჭურჭელს“.
 - ა) ჩადენილი ცოდვის გამოსყიდვა შესაძლებელია.
 - ბ) ჩადენილი ცოდვის პატიება შეუძლებელია.
 - გ) ჯალათის ცოლი მდუმარედ ეგუება ბედს.
 - დ) ჯალათის ცოლი ჭურჭელს სისხლს აშორებს.
- (1) 13. რა მხატვრული საშუალებაა: „თოკი გეხვევა სახრჩობელების“.
 - ა) ეპითეტი.
 - ბ) მეტაფორა.
 - გ) შედარება.
 - დ) ჰიპერბოლა.
- (1) 14. რის იმედს უტოვებს ავტორი ბავშვს III სტროფში?
 - ა) მსაჯულის ღმობიერების.
 - ბ) მასწავლებლის თანადგომის.
 - გ) სულის ხსნის.
 - დ) ტოლების სიყვარულის.
- (1) 15. რას გულისხმობს ავტორი სიტყვებში: „ის აქ იქნება, სანამ ამქვეყნად იქნება ციხე...“
 - ა) მსხვერპლის დედა ბოლოს და ბოლოს დაივიწყებს ჯალათის მიერ ჩადენილ ცოდვას.
 - ბ) მსხვერპლის დედა მუდამ გაახსენებს ჯალათს ჩადენილი ცოდვის სიმძიმეს.

- გ) მსხვერპლის დედას მუდამ ემახსოვრება „მოტრფიალე და მომღერალი ფოთოლი“.
- დ) მსხვერპლის დედას ყველაფერზე უფრო მეტად ციხის კედლების ეშინია.

(1) 16. რას გულისხმობს ავტორი სიტყვებში: „ძველი ცრემლია ირენეს ცრემლი“.

- ა) ესპანელი ქალები მხოლოდ პოეტებსა და მატადორებს გლოვობდნენ.
- ბ) ესპანელი ქალები საკუთარ ქმრებსა და სატრფოებს მუდამ გლოვობდნენ.
- გ) ესპანელი ქალები საკუთარ ქმრებს „სამრეკლოს ჩრდილში“ გლოვობდნენ.
- დ) ესპანელი ქალების გლოვა უნუგეშო და სულისშემძვრელი იყო.

(1) 17. რას გულისხმობს ავტორი სიტყვებში: „...და აუხვიეთ ხარებს თვალები და შეუკარით ჯალათებს ხელი...“

- ა) მატადორები სხვის დასანახავად არ უნდა კვდებოდნენ.
- ბ) მსგავსი ტრაგედია მომავალში აღარ უნდა განმეორდეს.
- გ) მსგავსი ტრაგედიის თავიდან აცილება არავის შეუძლია.
- დ) შვილებმა მამების ბედი უნდა გაიზიარონ.

(1) 18. რა სიმბოლური დატვირთვა აქვს ამ ნაწარმოებში მატადორის მხატვრულ სახეს?

- ა) მატადორების მსგავსად პოეტებიც სამარადისოდ რჩებიან ერის ხსოვნაში.
- ბ) მატადორების მსგავსად პოეტებიც უგუნური ძალის მსხვერპლნი ხდებიან ხოლმე.
- გ) მატადორების მსგავსად პოეტებიც ფაშისტური რეჟიმის მსხვერპლნი ხდებიან ხოლმე.
- დ) მატადორების მსგავსად პოეტებიც ხშირად სხვის დასანახავად კვდებიან ხოლმე.

(1) 19. რა არის ამ ნაწარმოების უმთავრესი აზრი?

- ა) მუდამ უნდა ვიგლოვოთ დაღუპული პოეტები და მატადორები.
- ბ) პოეტებისა და ჯალათების სახელები რჩება ხალხის ხსოვნაში.
- გ) პოეტების ცხოვრება ძალიან ჰგავს მატადორების ცხოვრებას.
- დ) ჯალათებს ხალხი არასოდეს აპატიებს ჩადენილ ცოდვებს.

ბ) წერითი დავალება:

წერითი დავალების ინსტრუქცია:

ყურადღებით გაეცანით დავალების პირობას.

ნაწერი არ გასწორდება, თუ ნაშრომი დავალებას არ უპასუხებს, მოცემული ტექსტის პერიფრაზია, არ არის შესრულებული არც ერთი მითითება ან მოცემული ტექსტი მთლიანობაში არაადეკვატურადაა გაგებულნი, ანდა ენობრივად იმდენად გაუმართავია, რომ აზრის გაგება ჭირს.

ნაშრომი შესრულებული უნდა იყოს გასაგები (გარკვეული) ხელწერით. ის მონაკვეთები, რომელთა ამოკითხვაც გაძნელებულია, არ გასწორდება და თხზულების შეფასებისას მხედველობაში არ იქნება მიღებული.

ორივე წერით დავალებას თან ახლავს სამ-სამი მითითება. ამ მითითებებს უნდა უპასუხოთ ისე, რომ თხზულება აზრობრივად ერთიანი, მთლიანი გამოვიდეს და არ იყოს კითხვებზე ცალკე ცალკე მოცემული პასუხების მექანიკური ჯამი ან მოცემული ტექსტის პერიფრაზი (თუნდაც მთელი თხზულების შინაარსის გადმოცემა). გაითვალისწინეთ, რომ დავალების მითითება შესრულებულად არ ჩაითვლება, თუ მასზე მხოლოდ ერთი-ორი წინადადებით იქნება პასუხი გაცემული.

ჩამოაყალიბეთ თქვენი აზრი ნათლად, მკაფიოდ, დეტალურად და დასაბუთებულად. ნაშრომი შეფასდება იმის მიხედვით, თუ რამდენად ჩანს მასში არგუმენტირებისა და დამოუკიდებელი აზროვნების უნარი და არა იმის მიხედვით, ემთხვევა თუ არა თქვენი პოზიცია საყოველთაოდ აღიარებულ თვალსაზრისს. მსჯელობა უნდა იყოს ლოგიკურად გამართული და აბზაცებით დანაწევრებული; უნდა დაიცვათ სალიტერატურო ენის ნორმები.

ტესტში დატოვებულია ფურცლები შავი სამუშაოსათვის, რომელიც **არ სწორდება** (სურვილის მიხედვით, შეგიძლიათ გამოიყენოთ ან არ გამოიყენოთ ისინი).

პასუხების ფურცელში დაშვებული შეცდომა გადახაზეთ და ნუ დაჯღაბნით.

წერითი დავალების მაქსიმალური ქულაა 25.

გაანალიზეთ მოცემული ტექსტი შემდეგი მითითებების მიხედვით:

- იმსჯელოთ, რა მორალურ-ეთიკურ პრობლემებს სვამს ავტორი მოცემულ ტექსტში.
- იმსჯელოთ, რა არის მოცემული ტექსტის მთავარი სათქმელი და რა მხატვრული საშუალებებითაა იგი რეალიზებული.
- ჩამოაყალიბეთ თქვენი პიროვნული დამოკიდებულება მოცემულ ტექსტში წამოჭრილი პრობლემების მიმართ.

თქვენი თვალსაზრისი დაასაბუთეთ!

დავალება № 2

ჯემალ ქარჩხაძის რომანის „ზეზულონი“ მთავარმა პერსონაჟმა, ზეზულონმა, გაიტაცა ნესტან ერისთავი – ქართლის უკანონო მეფის, ისკანდერ-ხანის, საცოლფე გაქცეულთა შეპყრობას ხელმძღვანელობს ნესტანის დეიდაშვილი ბექა ამილახვარი:

ზეზულონი და ნესტანი საყდრის კარს თამამად მიაღწენ, შეაღეს და შევიდნენ.

შორეულ კუთხეში, დაბალ, სამფეხა სკამზე, იდაყვდაყრდნობილი და ხელებში თავჩარგული, მჭმუნვარე სახით იჯდა ბექა ამილახვარი.

– მადლი უფალს, მოხვედით, – წყნარად, თავაუღებლივ თქვა მან.

ელდანაცემმა ზეზულონმა ხმაღზე გაიკრა ხელი. გულ-გვამი უღუღდა. სიმწრის, რისხვისა და ტკივილისაგან თვალზე ბინდი გადაეკრა...

– ჩააგე ხმალი, – ისევ ისევ თავაუღებლივ, წყნარად, ცოტა ნაღვლიანი კილოთი თქვა ბექა ამილახვარმა...

ბექა ამილახვარის ხმაში ზეზულონისთვის გაუგებარი რაღაც სიმწარეც ერია. ამან ზეზულონი წამით დააბნია. ნესტანმა ბექა ამილახვარს ჯიქურ შეხედა და უთხრა:

– რათა გვდეგ, ბექავ? ერთგულება გინდა აჩვენო შენს ბატონს, ქართლის მეფეს?

ბექა ამილახვარმა ნელა მიაბრუნა თავი და ნესტანს შეხედა. სახეზე წუხილი ეფინა.

– ჭინკების მზეთუნახავო, – სევდიანი ხმით თქვა, – ჩემი ბატონი ქართლია და არა ქართლის მეფე. – და უცებ ხმას აუწია, – რად გამოიქეციე?!
– იმად, რომ ისკანდერ-ხანის ცოლობა არ მინდა.

– მაშ, რა გინდა? იქნებ ეგ დათვი გირჩევნია მეფეს?

ზეზულონმა ტუჩი მოიკნინა. ნესტანმა წყნარად თქვა: – იქნებ მირჩევნია...

ბექა ამილახვარი ნესტანს მღუმარედ დააცქერდა:

– ვხედავ, – თქვა ბოლოს და თავი მიიმედ დაიქნია. ხმაც უფრო ნაღვლიანი გაუხდა, – ვხედავ... მაგრამ ახლა ერთიმეორის სადევნელად არა გვცალია. ახლა ყველამ ის უნდა ვქნათ, რასაც ქვეყანა გვიბრძანებს, და არა ის, რასაც გული გვეტყვის.

– მაშ, ქვეყნის ბრძანებით უღალატე მანუჩარ ბატონიშვილს? – მიახალა ზეზულონმა.

ბექა ამილახვარმა სწრაფი მხერა სტყორცნა. თვლებში რისხვა გაუკრთა.

– ენა დაიმოკლე, შე ღღავო, ემანდ მოთმინების ფიალა არ ამევსოს... გულზე გასხია თვალეები. გონებაზე უნდა გესხას... ჩააგე ეგ ხმალი ქარქაშში და ორთავემ ყური კარგად მიგდეთ. – ბექა ამილახვარი გაჩუმდა და ერთხანს ჩუმიად იჯდა. მერე, როცა ზეზულონმა, გაკვირვებულმა და თითქოს რაღაცით მოჯადოებულმა, მართლა ჩააგო ხმალი, თავი გადაიქნია და განაგრძო... – სხვა უკეთეს დროს ეგებ თავად მიგგზავნოდი, ბაყბაყ-დეგო, პაპა იესესთან და, თუ აზნაურობის გამო დაგიწუნებდა, მანუჩარ ბატონიშვილისთვის თავადლობაც გამომეთხოვა შენთვის. ახლა კი მეტი გზა არა გვაქვს... რა ვქნა, ჭინკების მზეთუნახავო, რომ ისკანდერ-ხანს ქართლს შენი გულისთვისაც კი ვერ ავაოხრებინებ.

– ენა დაიმოკლე, შე ღღავო, ემანდ მოთმინების ფიალა არ ამევსოს... გულზე გასხია თვალეები. გონებაზე უნდა გესხას... ჩააგე ეგ ხმალი ქარქაშში და ორთავემ ყური კარგად მიგდეთ. – ბექა ამილახვარი გაჩუმდა და ერთხანს ჩუმიად იჯდა. მერე, როცა ზეზულონმა, გაკვირვებულმა და თითქოს რაღაცით მოჯადოებულმა, მართლა ჩააგო ხმალი, თავი გადაიქნია და განაგრძო... – სხვა უკეთეს დროს ეგებ თავად მიგგზავნოდი, ბაყბაყ-დეგო, პაპა იესესთან და, თუ აზნაურობის გამო დაგიწუნებდა, მანუჩარ ბატონიშვილისთვის თავადლობაც გამომეთხოვა შენთვის. ახლა კი მეტი გზა არა გვაქვს... რა ვქნა, ჭინკების მზეთუნახავო, რომ ისკანდერ-ხანს ქართლს შენი გულისთვისაც კი ვერ ავაოხრებინებ.

– მაშ, ქვეყნისთვის არ გიღალატნია, ბატონო? – ყრუ ხმით ჰკითხა ზეზულონმა...

– ისკანდერ-ხანს მე მანუჩარ ბატონიშვილის ბრძანებით გამოვეყვე. როცა შაჰის მზაკვრობა შევიტყვეთ, ყოველივე ავწონ-დავწონეთ და ჩათრევეს ჩაყოლა ვამჯობინეთ. მანუჩარ ბატონიშვილმა ქართლის ტახტზე თავისივე ნებით თქვა უარი, ჩემი თავი ისკანდერ-ხანს უბოძა და წიგნიც გამოატანა მეფის დარბაზისათვის. ყველას უბრძანა, ერთგულება გამოეცხადებინათ და დამორჩილებოდნენ...

– რათა, ბატონო?! – აღელვებით, მხურვალედ შესძახა ზეზულონმა, – განა რა გვჭირდა!.. განა ვერ გავეუწყლავდებოდით!..

– ვერ გავეუწყლავდებოდით. და ზოგჯერ გამკლავებაზე მეტად გადარჩენაა საჭირო. ქართლი განა მიწაა! ქართლი ხალხია. ხალხი თუ აღარ იქნა, ცარიელ მიწას ხვალ ეგებ სპარსეთიც დაერქვას. ახლა მორჩილებაა საჭირო. როდემდე – არ ვიცი. ეგებ ერთი წელი, ეგებ ათი წელი,

ეგებ მანუხარ ბატონიშვილი ვერც ვერასოდეს ეღირსოს ქართლის ტახტს... მაგრამ ახლა მორჩილებაა საჭირო. აქ რომ ისკანდერ-ხანს ერთი ბუზი ავუფრინოთ, ქართლი ხომ აოხრდება და მანუხარ ბატონიშვილსაც შაჰი წამსვე სიცოცხლეს გამოასალმებს. დიდი სიბრძნეც გვმართებს და დიდი მოთმინებაც... დრომდე და ვადამდე ქვეყნად სიწყნარე უნდა შევინარჩუნოთ და ისკანდერ-ხანს სისხლის დაღვრის მიზეზი არ მივცეთ. თქვენ კი ასეთ დროს აღმა-დაღმა დამარბენინებთ, ლამის ქანცი გამწყდეს! მსუქანი მაინც არ ვიყო!.. ეჰ, კვიცებო, კვიცებო, ნუთუ არ იცით, კაცი რომ იბადება, მარტო საკუთარი თავისთვის არ იბადება. მებრალებით, განა არ მებრალებით, მაგრამ თქვენზე მეტად ჩემი თავი მებრალება. თქვენ რა იცით... ისკანდერ-ხანს რომ ჩამოვყვევ სპარსეთიდან, მოლაღურების დედოფალო, და ასმათმა მნახა, მაჩაბლიანთ ტურფა ხეკაკუნამ, ისე ლამაზად აიბუზა ცხვირი და ისე ამპარტავნულად მაქცია ზურგი, ერთ სამეფოდ მარტო მისი ნახვა ღირდა. მანამ თუ ყელამდე ვიყავი ჩაფლული სიყვარულში, მას აქეთ სულ მთლად ჩაყურყუმალებული ვარ. ერთი ამრეხით შემომხედა, ცივად შეტრიალდა და ამყად გაკუნკულდა. იმიტომ, რომ მის თვალში მოლაღატე ვარ. ვინ იცის, ხვალ-ზეგ ეგებ სხვაზეც გათხოვდეს... ეჰა, შვილოსა... ამ ზაქს რომ სულ ხმალზე უჭირავს თვალი, – ხელი ზებულონისკენ გამოიშვირა, – ხმლის ტრიალი იოლი საქმეა, ან გაიმარჯვებ, ან დაიღუპები. მოფურთხებით არავინ მოგაფურთხებს. მე რა ვქნა, ჩემო კუდმაკრატელებო? იქნებ მე ისე მოგკვდე, მთელ ქართლს საწყევრად დავრჩე, როგორც ქვეყნის ორგული. თქვენ ბევრიც იბახოთ, ერთგული იყო, ორგული არ ყოფილაო, ვინ დაგიჯერებთ! მაგრამ რა ვუყო, ქვეყანას ეგრე უბრძანებია და მეც დაემორჩილდი... ახლა ჯერი თქვენზეა... – ბექა ამილახვარი გაჩუმდა და თვალეგაშტერებული ჩააცქერდა იატაკს... მერე, როგორც იქნა, განაგრძო, – მორჩა. ყველაფერი გითხარით, რაც უნდა მეთქვა და რაც არ უნდა მეთქვა... გზები შეკრულია, მაგრამ ერთი ბილიკი ჩემთვისაც მაქვს დატოვებული. საიმედო ხალხიც მყავს, რომ სამშვიდობოს გაგიყვანოთ. ოღონდ, განრისხებული ისკანდერ-ხანი რას ჩაიდენს ქართლში, ამის წინასწარმეტყველება მე არ შემიძლიან. – აქ ნესტანს შეხედა სახეში და ნაღვლიანად გაიღიმა, – მაშ, შენ გადაწყვიტე, ჩემო მოლაღურო.

ნესტანს სახე დაძაბული ჰქონდა... თვალეგში ცრემლი უბრწყინავდა...

– ახლავ წავიდეთ, ბექავ?

– ახლავ, – მიუგო ბექამ. ცოტა მასაც უმტყუნა ხმამ, – დრო არ ითმენს. – ამ სიტყვებით ზებულონს მიუახლოვდა... – შენ აქ დარჩები... როცა საჭირო იქნება, ჩემი კაცი მოგაკითხავს. – აქ გაჩუმდა. მერე გაიღიმა, – თუ შეძლებ, ცხოვრება ჩემსავით თამაშად აქციო, წუთისოფლის ოღრო-ჩოღროებსაც უფრო იოლად გადაივლი, თუ არადა, შენ იცი. ხმალი კი, ფიქრი არაა, კიდევ გამოგადგება... – და ნესტანს მიუბრუნდა, – მე ცხენებს მოვამზადებ. ნუ დააგვიანებ, – ამ სიტყვებით შეტრიალდა და სწრაფად გავიდა.

საყდარში დუმილი დარჩა... ახლა ისინი თვალეგში უყურებდნენ ერთმანეთს და ნესტანმა უეცრად გაიღიმა. ძველებურად, კარგად: – ჩანს, მართალია, რომ მზეჭაბუკები მარტო ზღაპრებში ყოფილან... მაშ, მშვიდობით, ბაყბაყ-დეუო.

ნესტანი შეტრიალდა და წავიდა. ნელა მიდიოდა, მაგრამ საყდრის კარამდე შორი არ იყო. გამოალო, გავიდა და გაქრა.

თავიდან ზებულონი არაფერს გრძნობდა, მაგრამ მერე, როცა მის გაწაფულ ყურს ცხენების ფეხის ხმა შემოესმა, რომელიც თანდათან მისუსტდა და ბოლოს სულ მიწყდა, თითქოს კარი ღია დარჩენოდეს, რაც კი სადმე ნაღველი იყო, სულ მის სხეულში შემოვიდა, იქაურობა აავსო და ბოლოს, ყელში რომ ვედარ გაეცია და გაეჩხირა, მწარედ, ბაღლივით აქვითინდა.

ა) წაკითხულის გააზრება:

დავალების შესასრულებლად ყურადღებით გაეცანით ტექსტს. კითხვებზე პასუხების გაცემა მაშინ დაიწყეთ, როდესაც ტექსტის შინაარსი მთლიანად გასაგები იქნება. მოცემული ოთხ-ოთხი პასუხიდან აირჩიეთ მხოლოდ ერთი და შემოხაზეთ. მონიშნული პასუხი გადაიტანეთ პასუხების ფურცელში ამგვარად: პასუხის შესაბამის უჯრედში გააკეთეთ აღნიშვნა – **X**.

უპასუხეთ შემდეგ კითხვებს:

- (1) 10. რატომ გაიკრა „ელდანაცემმა ზებულონმა ხმალზე ხელი“?
 - ა) ზებულონს „გულ-გვამი უდუღდა... თვალზე ბინდი გადაეკრა“.
 - ბ) ზებულონს ბექას მოკვლის დაუძლეველი სურვილი ადრევე ჰქონდა.
 - გ) ზებულონისათვის მოულოდნელი იყო ბექას დახვედრა საყდარში.
 - დ) ზებულონს სურდა, ნესტანისათვის თავისი გამბედაობა ეჩვენებინა.

- (1) **11. რა განაპირობებს იმას, რომ ბექას სიტყვებში „ნაღვლიანი კილო“ იგრძნობა?**
- ბექა დაღლილია და ამიტომ ლაპარაკობს „ნაღვლიანი კილოთი“.
 - ბექა შინაგანად თანაუგრძობს ნესტანისა და ზებულონის სიყვარულს.
 - ბექა მიიჩნევს, რომ ერთმანეთის დევნის დრო არ არის.
 - ბექას სურს, ნესტანისა და ზებულონის ყურადღება მოაღუნოს.
- (1) **12. ნესტანისადმი რა დამოკიდებულებაზე მიუთითებს ბექას მიმართვა: „ჭინკების მზეთუნახავო“?**
- ბექა აბუჩად იგდებს ნესტანს.
 - ბექა გამოხატავს ნესტანისადმი სიყვარულს.
 - ბექა გამოხატავს ნესტანისადმი სიძულვილს.
 - ბექას სურს ნესტანის დაჩაგვრა.
- (1) **13. ბექას ხასიათის რა თვისება ჩანს მის სიტყვებში: „ისკანდერ-ხანს ქართლს შენი გულისთვისაც კი ვერ ავაოხრებინებ“?**
- ბექასათვის ყველა ღირებულებაზე მაღლა პირადი ინტერესი დგას.
 - ბექასათვის ყველა ღირებულებაზე მაღლა სამშობლოს ინტერესი დგას.
 - ბექასათვის ყველა ღირებულებაზე მაღლა მეფისადმი ერთგულება დგას.
 - ბექასათვის ყველა ღირებულებაზე მაღლა ნათესავის ბედნიერება დგას.
- (1) **14. რაში გამოიხატება სპარსეთის შაჰის მზაკერობა?**
- მან ქართლის აოხრება და დამონება გადაწყვიტა.
 - მან მანუჩარ ბატონიშვილი ფიზიკურად დასაჯა.
 - მან ქართლის ტახტზე უკანონო მეფე დასვა.
 - მან ბექას ქართლის დალატი დაავალა.
- (1) **15. რატომ ამჯობინა ბექა ამილახვარმა „ჩათრევას ჩაყოლა“?**
- სურდა, ამით მანუჩარ ბატონიშვილის გული მოეგო.
 - სურდა, ამით ქართლის ინტერესები დაეცვა.
 - სურდა, ამით სპარსეთის ინტერესები დაეცვა.
 - სურდა, ამით საყვარელი ქალის გული მოეგო.
- (1) **16. რის თქმა სურს ზებულონს სიტყვებით: „განა ვერ გავუმკლავდებოდით...“?**
- ზებულონი მიიჩნევს, რომ საჭიროა მტრის წინააღმდეგ დიპლომატიური ხერხების გამოყენება.
 - ზებულონი მიიჩნევს, რომ საჭიროა მტრის წინააღმდეგ აშკარა და შეუპოვარი ბრძოლა.
 - ზებულონი მიიჩნევს, რომ საჭიროა მტერთან საბრძოლველად მორიგე დაშქრის შეკრება.
 - ზებულონი მიიჩნევს, რომ საჭიროა ტაქტიკური მოსაზრებით ბრძოლის გადადება.
- (1) **17. რომელ ციტატაშია გამოყენებული ეპითეტი?**
- „ამპარტავნულად მაქცია ზურგი“.
 - „რა ვქნა, ჩემო კუდმაკრატელებო?“
 - „თვალვებამტერებელი ჩააცქერდა იატაკს“.
 - „ხმლის ტრიალი იოლი საქმეა“.
- (1) **18. ნესტანის რა სულიერი მდგომარეობა ჩანს მის სიტყვებში: „მზეჭაბუკები მარტო ზღაპრებში ყოფილან“?**
- აღშფოთება.
 - იმედგაცრუება.
 - გულგრილობა.
 - შეშფოთება.
- (1) **19. რა არის მოცემული ტექსტის უმთავრესი აზრი?**
- ადამიანი საქვეყნო ინტერესებს გონების კარნახით უნდა ემსახუროს.
 - ადამიანმა პირადი და საქვეყნო ინტერესების შეხამება უნდა შეძლოს.
 - ადამიანმა საქვეყნო ინტერესებს სიცოცხლე უნდა ანაცვალოს.
 - ადამიანმა პირად ინტერესებს საქვეყნო ინტერესები უნდა ანაცვალოს.

ბ) წერითი დავალება:

წერითი დავალების ინსტრუქცია:

ყურადღებით გაეცანით დავალების პირობას.

ნაწერი არ გასწორდება, თუ ნაშრომი დავალებას არ უპასუხებს, მოცემული ტექსტის პერიფრაზია, არ არის შესრულებული არც ერთი მითითება ან მოცემული ტექსტი მთლიანობაში არაადეკვატურადაა გაგებულნი, ანდა ენობრივად იმდენად გაუმართავია, რომ აზრის გაგება ჭირს.

ნაშრომი შესრულებული უნდა იყოს გასაგები (გარკვეული) ხელწერით. ის მონაკვეთები, რომელთა ამოკითხვაც გაძნელებულია, არ გასწორდება და თხზულების შეფასებისას მხედველობაში არ იქნება მიღებული.

ორივე წერით დავალებას თან ახლავს სამ-სამი მითითება. ამ მითითებებს უნდა უპასუხოთ ისე, რომ თხზულება აზრობრივად ერთიანი, მთლიანი გამოვიდეს და არ იყოს კითხვებზე ცალცალკე გაცემული პასუხების მექანიკური ჯამი ან მოცემული ტექსტის პერიფრაზი (თუნდაც მთელი თხზულების შინაარსის გადმოცემა). გაითვალისწინეთ, რომ დავალების მითითება შესრულებულად არ ჩაითვლება, თუ მასზე მხოლოდ ერთი-ორი წინადადებით იქნება პასუხი გაცემული.

ჩამოაყალიბეთ თქვენი აზრი ნათლად, მკაფიოდ, დეტალურად და დასაბუთებულად. ნაშრომი შეფასდება იმის მიხედვით, თუ რამდენად ჩანს მასში არგუმენტირებისა და დამოუკიდებელი აზროვნების უნარი და არა იმის მიხედვით, ემთხვევა თუ არა თქვენი პოზიცია საყოველთაოდ აღიარებულ თვალსაზრისს. მსჯელობა უნდა იყოს ლოგიკურად გამართული და აბზაცებით დანაწევრებული; უნდა დაიცვათ სალიტერატურო ენის ნორმები.

ტესტში დატოვებულია ფურცლები შავი სამუშაოსათვის, რომელიც არ სწორდება (სურვილის მიხედვით, შეგიძლიათ გამოიყენოთ ან არ გამოიყენოთ ისინი).

პასუხების ფურცელში დაშვებული შეცდომა გადახაზეთ და ნუ დაჯღაბნით.

წერითი დავალების მაქსიმალური ქულაა 25.

გაანალიზეთ მოცემული ტექსტი შემდეგი მითითებების მიხედვით:

- იმსჯელეთ, რა მორალურ-ეთიკურ პრობლემებს სვამს ავტორი მოცემულ ტექსტში.
- იმსჯელეთ, რა არის მოცემული ტექსტის მთავარი სათქმელი და რა მხატვრული საშუალებებითაა იგი რეალიზებული.
- ჩამოაყალიბეთ თქვენი პიროვნული დამოკიდებულება მოცემულ ტექსტში წამოჭრილი პრობლემების მიმართ.

თქვენი თვალსაზრისი დაასაბუთეთ!

II ვარიანტი

I. ქართული ენა

1. 1. – ბ); 2. – თ); 3. – ვ); 4. – გ).
 2. I შეცდ. 2, 4, 6, 7; II უშეცდ. 1, 3, 5.

3. ალექსანდრეს ბაღის ტერიტორიაზე დიდი ხნის განმავლობაში ყაბახი იყო. მე-19 საუკუნის 40-იან წლებში აქ სამხედრო ობიექტი განათავსეს, მოგვიანებით კი ამ ადგილას ბაღის გაშენება გადაწყდა.

1865 წელს თბილისში საზეიმოდ გაიხსნა პირველი საზოგადოებრივი ბაღი, რომელსაც ალექსანდრეს სახელი უწოდეს. ბაღი გაშენდა არქიტექტორ ოტო სიმონსონის პროექტით. სიმონსონი პეტერბურგის სამხატვრო აკადემიის აკადემიკოსი იყო. მისი დაპროექტებულია არაერთი შენობა, რომლებიც დღესაც დგას და ამშვენებს ჩვენს დედაქალაქს. მარტო მოსწავლეთა რესპუბლიკური სასახლის დასახელებაც საკმარისია, რათა მისი დამსახურება წარმოვაჩინოთ. საგანგებოდ ბაღისათვის დაპროექტებული საგამოფენო პავილიონები, რესტორანი, შადრევნები განსაკუთრებულ ელფერს სძენდა მას. ის, როგორც ევროპული ყაიდის ბაღი, რეგულარული დაგეგმარებისა იყო და მანამდე არსებულ თავშეყრის ადგილებს არ ჰგავდა.

4.

I. კრიტერიუმი

№	ტექსტის ორგანიზება	ქულები
1.	ტექსტი ორგანიზებულია და პასუხი გაცემულია სამივე მითითებაზე.	3
2.	ტექსტი ორგანიზებულია და პასუხი გაცემულია ორ მითითებაზე ან პასუხი გაცემულია სამივე მითითებაზე, მაგრამ ტექსტი არ არის სათანადოდ ორგანიზებული.	2
3.	ტექსტი ორგანიზებულია, მაგრამ პასუხი გაცემულია მხოლოდ ერთ მითითებაზე ან პასუხი გაცემულია ორ მითითებაზე, მაგრამ ტექსტი არ არის სათანადოდ ორგანიზებული და/ან დავალება ნაწილობრივ არაადეკვატურადაა გაგებული.	1
4.	ტექსტი არ არის სათანადოდ ორგანიზებული და პასუხი გაცემულია მხოლოდ ერთ მითითებაზე ან დავალება არაადეკვატურადაა გაგებული.	0 ნაწერი არ სწორდება

II. კრიტერიუმი

№	დასაბუთება	ქულები
1.	დამაჯერებლად ა დასაბუთებული სამივე მითითება და გამყარებულია შე-საბამისი მაგალითებით.	4
2.	დამაჯერებლად ა დასაბუთებული ორი მითითება და მესამე – ნაწილობრივ.	3
3.	დამაჯერებლად ა დასაბუთებული ერთი მითითება და ორი – ნაწილობრივ.	2
4.	ნაწილობრივ არის დასაბუთებული სამივე მითითება ან დამაჯერებლად ა დასაბუთებული ორი მითითება, მაგრამ ერთი მითითება არ არის დასაბუთებული.	1
5.	ნაწილობრივ არის დასაბუთებული მხოლოდ ორი მითითება და მესამე არ არის დასაბუთებული ან დასაბუთებულია მხოლოდ ერთი მითითება, დანარჩენი ორი არ არის დასაბუთებული.	0

III. კრიტერიუმი

№	ორიგინალური აზროვნება და ზოგადი განათლება	ქულები
1.	ნაშრომში გამოვლინდა ორიგინალური აზროვნება და/ან ზოგადი განათლება.	1
2.	ნაშრომში არ გამოვლინდა ორიგინალური აზროვნება და/ან ზოგადი განათლება.	0

IV. კრიტერიუმი

№	ლექსიკა და სტილი	ქულები
1.	ნაშრომში აზრი ენობრივად (ლექსიკურად) ზუსტად და მკაფიოდ გამოხატული, შერჩეულია დასმული ამოცანის შესაფერისი სტილი, დაცულია ნაშრომის სტილისტური ერთგვაროვნება. გვხვდება ორიოდ სტილისტური ხარვეზი.	3
2.	ნაშრომში აზრი ენობრივად (ლექსიკურად) ზუსტად და მკაფიოდ გამოხატული, მაგრამ გვხვდება სტილისტური ხარვეზები.	2
3.	ნაშრომში აზრი გასაგებია, მაგრამ ლექსიკა მწირია, გვხვდება არაადეკვატური ლექსიკა და სტილისტური ხარვეზები.	1
4.	ნაშრომი სტილისტურად გაუმართავია.	0

V. კრიტერიუმი

№	მორფოლოგია, ორთოგრაფია, სინტაქსი	ქულები
1.	არ არის დაშვებული ორზე მეტი შეცდომა.	3
2.	არ არის დაშვებული ოთხზე მეტი შეცდომა.	2
3.	არ არის დაშვებული ექვსზე მეტი შეცდომა.	1
4.	დაშვებულია ექვსზე მეტი შეცდომა.	0

VI. კრიტერიუმი

№	პუნქტუაცია	ქულები
1.	არ არის დაშვებული სამზე მეტი შეცდომა.	1
2.	დაშვებულია სამზე მეტი შეცდომა.	0

II. ქართული ლიტერატურა

5. გრიგოლმა ეფრემს მოსთხოვა, არ შეეშალა ხელი არსენის კათალიკოსობისათვის. ეფრემის აზრით, არსენი არ იყო მართალი (ის არსენს თავის მოძღვრად აღარ თვლიდა). გრიგოლის ემოციურ რეაქციას გამოხატავს სიტყვა „მკსინვარედ“. გრიგოლმა გააფრთხილა ეფრემი, ამას თუ გააკეთებ, შენს მოძღვრად ნულარ მიგულებო. გრიგოლის აზრით, ეფრემმა უნდა იცოდეს, რომ არსენის კათალიკოსობა ღვთის ნებაა.

1. არსენისათვის მხარი დაეჭირა _____ 1ქ.
2. ეპისკოპოსები მართლები იყვნენ _____ 1ქ.
3. მკსინვარედ _____ 1ქ.
4. შენი მოძღვარი აღარ ვიქნებით _____ 1ქ.
5. არსენის კათალიკოსობა ღვთის ნებაა _____ 1ქ.

6. „ტანი კალმად მაქვს, კალამი ნავლეღსა ამონაწები“. ნესტანის თქმით, იგი თავის უსტარს ქაღალდის ნაცვლად საკუთარ გულზე წერს. ტარიელისა და საკუთარ უბედურებას ნესტანი ამქვეყნიურ სინამდვილეს აბრალებს. იმის საფუძველზე, რომ ბრძენნი ამქვეყნიურობას კარგად იცნობენ. ნესტანის მდგომარეობის ტრაგიზმს განაპირობებს მიჯნურთან განშორება.

1. „ტანი კალმად მაქვს, კალამი ნავლეღსა ამონაწები“ _____ 1ქ.
2. გულზე _____ 1ქ.
3. წუთისოფელს _____ 1ქ.
4. ცოდნის _____ 1ქ.
5. ტარიელის გარეშე ყოფნა _____ 1ქ.

7. ლუარსაბისა და მისი მსგავსი ადამიანების უზნეო ცხოვრება იგულისხმება სიტყვებში: „არისხებდნენ ღმერთსა“. ლუარსაბი ასე იმიტომ მიიჩნევს, რომ კაცი არ მოუკლავს, არ მოუპარავს და არავინ დაუჩაგრავს. ავტორის აზრით, ადამიანის დანიშნულებაა მიემსგავსოს ღმერთს (ეზიაროს ღვთაებრივს). სიტყვაში „სრული“ იგულისხმება სულიერი სრულყოფილება. ლუარსაბის ცხოვრების ძირითადი მიზანი ჭამა-სმაა.

1. „არისხებდნენ ღმერთსა“ _____ 1ქ.
2. ცოდვა არ ჩაუდენია _____ 1ქ.
3. ღვთისკენ ისწრაფოდეს _____ 1ქ.
4. მიემსგავსოს ღმერთს _____ 1ქ.
5. ჭამა-სმა _____ 1ქ.

8. მინდიამ ბუნების ენა ისწავლა (მას ბუნების ყოველი მოვლენის ენა ესმოდა). ქაჯთა სიბრძნესთან ზიარებამ მინდიას შინაგანი კეთილშობილება ვერ შეცვალა. მინდია, სიბრძნის შეძენის გარდა, უშიშარიც გახდა. მინდიას მიმართ ქაჯთა აგდებული დამოკიდებულება ვლინდება სტრიქონში: „გამეცნიერდა გლეხია“. მინდიას ქაჯთა ტყვეობიდან თავის დაღწევის იმედი გაუჩნდა.

1. ბუნების ენა გაიგო _____ 1ქ.
2. სიკეთე _____ 1ქ.
3. ვაჟუაცობა (სიმამაცე) _____ 1ქ.
4. გამეცნიერდა გლეხია _____ 1ქ.
5. გაექცეოდა ქაჯებს _____ 1ქ.

9. ლირიკული გმირი გრძნობს, რომ დაღუპვა ელის. „და ისიც ვიცი, ჩემზე ახია“. სტრიქონში „ან თავის მოკვლა რა ტრაბახია“ ჩანს, რომ ლირიკული გმირი თავის მოკვლას აპირებს. მეხუთე სტრიქონში გამოყენებულია შედარება. ამ მონაკვეთში ჩანს სატროფოს უნდობლობა.

1. მალე დაიღუპება _____ 1ქ.
2. „და ისიც ვიცი, ჩემზე ახია“ _____ 1ქ.
3. თვითმკვლელობა _____ 1ქ.
4. შედარება _____ 1ქ.
5. დაეჭვება _____ 1ქ.

III. წაკითხულის გააზრება

10. გ) -----1ქ. 11. ბ) -----1ქ. 12. ბ) -----1ქ. 13. ბ) -----1ქ. 14. გ) -----1ქ.
 15. ბ) -----1ქ. 16. ბ) -----1ქ. 17. ბ) -----1ქ. 18. ბ) -----1ქ. 19. დ) -----1ქ.

წერითი დავალების შეფასების კრიტერიუმები

წერითი დავალების მაქსიმალური ქულაა 25. უპირველეს ყოვლისა, გამსწორებელმა უნდა განსაზღვროს, უპასუხებს თუ არა ნაწერი მოცემულ დავალებას.

თუ აბიტურიენტის ნაშრომი დავალებას არ უპასუხებს, მოცემული ტექსტის პერიფრაზია, არ არის შესრულებული არც ერთი მითითება, ან ტექსტი მთლიანობაში არაადეკვატურადაა გაგებული, ანდა ენობრივად იმდენად გაუმართავია, რომ აზრის გაგება ჭირს, დაიწერება 0 ქულა და ნაწერი აღარ გასწორდება.

თუ ნამუშევარი დავალებას უპასუხებს, იგი უნდა გასწორდეს ქვემოთ მოცემული შეფასების სქემის მიხედვით.

№	კრიტერიუმები	კრიტერიუმების განმარტება	მაქსიმალური ქულა
I	დავალების ადეკვატურად გაგება და გააზრება	აბიტურიენტს მოეთხოვება დავალების ადეკვატური გაგება და ტექსტის სიღრმისეული გააზრება.	4
II	ნაშრომის აგება	აბიტურიენტს მოეთხოვება დავალების პირობის სამივე მითითების შესრულება, მსჯელობის თანამიმდევრულობის დაცვა, აბზაცების გამოყოფა და ნაშრომის მონაკვეთების ლოგიკური დაკავშირება ერთმანეთთან.	3
III	მოსაზრებების არგუმენტირება და ადეკვატური ციტირება	აბიტურიენტს მოეთხოვება მსჯელობის დასაბუთება და არგუმენტების გამყარება სათანადო ტექსტური მასალით.	6
IV	ტექსტის მხატვრული თავისებურებების შეფასება	ნაშრომში უნდა გამოიყოს ტექსტის მხატვრული თავისებურებები და მსჯელობა უნდა დასაბუთდეს სათანადო მაგალითებით.	2
V	დამოუკიდებელი აზროვნება და ზოგადი განათლება	ნაშრომში უნდა გამოვლინდეს აბიტურიენტის დამოუკიდებელი აზროვნება, შეხედულებათა და შეფასებათა არაშაბლონურობა, ზოგადი განათლება.	3
VI	ფაქტობრივი შეცდომები	ნაშრომში არ უნდა იყოს დაშვებული ფაქტობრივი შეცდომები.	1
VII	ლექსიკა და სტილი	აბიტურიენტს მოეთხოვება აზრის ენობრივად (ლექსიკურად) ზუსტად და მკაფიოდ გამოხატვა, აგრეთვე ისიც, რომ ნაწერი სტილისტურად გამართული იყოს.	2
VIII	სინტაქსი	აბიტურიენტს მოეთხოვება სინტაქსური კონსტრუქციების სწორად აგება.	2
IX	მორფოლოგია, ორთოგრაფია და პუნქტუაცია	აბიტურიენტს მოეთხოვება სალიტერატურო ენის ნორმების (მორფოლოგია, ორთოგრაფია, პუნქტუაცია) დაცვა.	2

I კრიტერიუმი

№	<i>დავალების ადეკვატურად გაგება და გააზრება</i>	<i>ქულები</i>
1.	დავალების პირობა ადეკვატურადაა გაგებული, ტექსტი ღრმადაა გააზრებული, ნაშრომში იგრძნობა ავტორის უმთავრესი სათქმელისა და ემოციური მიზანდასახულობის წვდომა.	4
2.	დავალების პირობა და ტექსტი ადეკვატურადაა გაგებული.	3
3.	დავალების პირობა და ტექსტი მთლიანობაში ადეკვატურადაა გაგებული და გააზრებული, თუმცა <i>ერთ</i> შემთხვევაში შეინიშნება დავალების პირობის ან ტექსტის არაადეკვატური გაგება.	2
4.	<i>ერთზე მეტ</i> შემთხვევაში დავალების პირობა ან/და ტექსტი არაადეკვატურადაა გაგებული.	1
5.	ტექსტი მთლიანობაში არაადეკვატურადაა გაგებული.	0 ნაწერი აღარ სწორდება

II კრიტერიუმი

№	<i>ნაშრომის აგება</i>	<i>ქულები</i>
1.	ნაშრომი უპასუხებს <i>სამივე</i> მითითებას და კარგადაა ორგანიზებული, მონაკვეთები თანამიმდევრულად და ლოგიკურად ენაცვლება ერთმანეთს, აბზაცები სწორადაა გამოყოფილი. <i>დავალების მითითება შესრულებულად არ ჩაითვლება, თუ მასზე მხოლოდ ერთი-ორი წინადადებით იქნება პასუხი გაცემული.</i>	3
2.	ნაშრომი უპასუხებს <i>სამ</i> მითითებას, თუმცა ნაწილობრივ დარღვეულია ტექსტის ლოგიკა ან/და ზოგან აბზაცები არასწორადაა გამოყოფილი; ან ნაშრომი უპასუხებს <i>ორ</i> მითითებას და კარგადაა ორგანიზებული, მონაკვეთები თანამიმდევრულად და ლოგიკურად ენაცვლება ერთმანეთს, აბზაცები სწორადაა გამოყოფილი.	2
3.	ნაშრომი უპასუხებს <i>ორ</i> მითითებას, თუმცა ნაწილობრივ დარღვეულია ტექსტის ლოგიკა ან/და ზოგან აბზაცები არასწორადაა გამოყოფილი; ან ნაშრომი უპასუხებს <i>ერთ</i> მითითებას და კარგადაა ორგანიზებული, მონაკვეთები თანამიმდევრულად და ლოგიკურად ენაცვლება ერთმანეთს, აბზაცები სწორადაა გამოყოფილი.	1
4.	ნაშრომი უპასუხებს <i>ერთ</i> მითითებას, თუმცა ნაწილობრივ დარღვეულია ტექსტის ლოგიკა ან/და ზოგან აბზაცები არასწორადაა გამოყოფილი.	0

III კრიტერიუმი

№	<i>მოსაზრებების არგუმენტირება და ადეკვატური ციტირება</i>	<i>ქულები</i>
1.	მსჯელობა <i>სამივე</i> მითითების მიხედვით დასაბუთებულია (არგუმენტირებულია) და არგუმენტები გამყარებულია ტექსტური მასალით.	6
2.	მსჯელობა <i>ორი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო <i>მესამე</i> მითითებაზე მსჯელობისას არგუმენტები არადაამაჯერებელია და/ან არ არის გამყარებული ტექსტური მასალით.	5
3.	მსჯელობა <i>ორი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო <i>მესამე</i> მითითება საერთოდ არ არის შესრულებული (პერიფრაზია ან მსჯელობა ორიოდვე წინადადებითაა გადმოცემული).	4
4.	მსჯელობა <i>ერთი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო <i>ორ</i> მითითებაზე მსჯელობისას არგუმენტები არადაამაჯერებელია და/ან არ არის გამყარებული ტექსტური მასალით.	3
5.	მსჯელობა <i>ერთი</i> მითითების მიხედვით დასაბუთებულია და არგუმენტები გამყარებულია ტექსტური მასალით, <i>მეორე</i> მითითების მიხედვით მსჯელობისას არგუმენტები არადაამაჯერებელია და/ან არ არის გამყარებული ტექსტური მასალით, ხოლო <i>მესამე</i> მითითება საერთოდ არ არის შესრულებული (პერიფრაზია ან მსჯელობა ორიოდვე წინადადებითაა გადმოცემული).	2
6.	<i>სამივე</i> მითითების მიხედვით მსჯელობისას არგუმენტები არადაამაჯერებელია და/ან არ არის გამყარებული ტექსტური მასალით.	1
7.	<i>ორი</i> მითითების მიხედვით მსჯელობისას არგუმენტები არადაამაჯერებელია და/ან არ არის გამყარებული ტექსტური მასალით, ხოლო <i>მესამე</i> მითითება საერთოდ არ არის შესრულებული; ან მსჯელობა <i>ერთი</i> მითითების მიხედვით დასაბუთებულია და არგუმენტები გამყარებულია ტექსტური მასალით, ხოლო დანარჩენი მითითებები საერთოდ არ არის შესრულებული; ანდა <i>ერთი</i> მითითების მიხედვით მსჯელობისას არგუმენტები არადაამაჯერებელია და/ან არ არის გამყარებული ტექსტური მასალით, ხოლო დანარჩენი მითითებები საერთოდ არ არის შესრულებული.	0

IV კრიტერიუმი

№	<i>ტექსტის მხატვრული თავისებურებების შეფასება</i>	<i>ქულები</i>
1.	ნაშრომში <i>გამოყოფილია</i> ტექსტის <i>არაერთი</i> მხატვრული თავისებურება და მსჯელობა დასაბუთებულია კონკრეტული მაგალითებით.	2
2.	ნაშრომში <i>გამოყოფილია</i> ტექსტის <i>ერთი</i> მხატვრული თავისებურება და მსჯელობა დასაბუთებულია კონკრეტული მაგალითით.	1
3.	ნაშრომში <i>გამოყოფილია</i> ტექსტის მხატვრული თავისებურებები, მაგრამ არ არის დასაბუთებული კონკრეტული მაგალითებით; ანდა ნაშრომში არ არის <i>გამოყოფილი</i> ტექსტის მხატვრული თავისებურებები.	0

V კრიტერიუმი

№	დამოუკიდებელი აზროვნება და ზოგადი განათლება	ქულები
1.	ნაშრომში <i>მკაფიოდ</i> გამოვლინდა აბიტურიენტის დამოუკიდებელი აზროვნების უნარი, შეხედულებათა და შეფასებათა არაშაბლონურობა და ზოგადი განათლება.	3
2.	ნაშრომში <i>ნაწილობრივ</i> გამოვლინდა აბიტურიენტის დამოუკიდებელი აზროვნების უნარი, თუმცა <i>მკაფიოდ</i> გამოვლინდა აბიტურიენტის ზოგადი განათლება; ანდა ნაშრომში <i>მკაფიოდ</i> გამოვლინდა აბიტურიენტის დამოუკიდებელი აზროვნების უნარი, შეხედულებათა და შეფასებათა არაშაბლონურობა, თუმცა <i>ნაწილობრივ</i> გამოვლინდა აბიტურიენტის ზოგადი განათლება.	2
3.	ნაშრომში <i>ნაწილობრივ</i> გამოვლინდა აბიტურიენტის ზოგადი განათლებაც და დამოუკიდებელი აზროვნების უნარიც; ან <i>არ</i> გამოვლინდა აბიტურიენტის დამოუკიდებელი აზროვნების უნარი, თუმცა <i>ნაწილობრივ</i> გამოვლინდა აბიტურიენტის ზოგადი განათლება; ანდა ნაშრომში <i>ნაწილობრივ</i> გამოვლინდა აბიტურიენტის დამოუკიდებელი აზროვნების უნარი, მაგრამ <i>არ</i> გამოვლინდა აბიტურიენტის ზოგადი განათლება.	1
4.	ნაშრომში <i>არ</i> გამოვლინდა აბიტურიენტის დამოუკიდებელი აზროვნების უნარი, აგრეთვე <i>არ</i> გამოვლინდა აბიტურიენტის ზოგადი განათლება.	0

VI კრიტერიუმი

№	ფაქტობრივი შეცდომები	ქულები
1.	ნაშრომში <i>არ არის</i> დაშვებული ფაქტობრივი შეცდომა.	1
2.	ნაშრომში <i>დაშვებულია</i> ფაქტობრივი შეცდომა.	0

VII კრიტერიუმი

№	ლექსიკა და სტილი	ქულები
1.	ნაშრომში აზრი ენობრივად (ლექსიკურად) ზუსტად და მკაფიოდაა გამოხატული, შერჩეულია დასმული ამოცანის შესაფერისი სტილი, აგრეთვე დაცულია ნაშრომის სტილისტური ერთგვაროვნება, გვხვდება ორიოდ სტილისტური ხარვეზი.	2
2.	ნაშრომში აზრი გასაგებია, მაგრამ ლექსიკა მწირია, გვხვდება რამდენიმე სტილისტური ხარვეზი.	1
3.	თხზულება სტილისტურად გაუმართავია.	0

VIII კრიტერიუმი

<i>№</i>	<i>სინტაქსური კონსტრუქციები</i>	<i>ქულები</i>
1.	ნაშრომში დაშვებულია <i>ერთი</i> სინტაქსური შეცდომა.	2
2.	ნაშრომში დაშვებულია <i>ორი</i> სინტაქსური შეცდომა.	1
3.	ნაშრომში დაშვებულია <i>ორზე მეტი</i> სინტაქსური შეცდომა.	0

IX კრიტერიუმი

<i>№</i>	<i>მორფოლოგია, ორთოგრაფია და პუნქტუაცია</i>	<i>ქულები</i>
1.	არ არის <i>ოთხზე მეტი</i> ამ ტიპის შეცდომა.	2
2.	არ არის <i>ცხრაზე მეტი</i> ამ ტიპის შეცდომა.	1
3.	დაშვებულია <i>ცხრაზე მეტი</i> ამ ტიპის შეცდომა.	0